

DISSERTATIO INAUGVRALIS IVRIDICA,
DE

**REMISSIONE TA-
CITA PIGNORIS VEL
HYPOTHECÆ, PER REMISSIO-
NEM DEBITI ET CONSENSUM
IN ALIENATIONEM REI.**

QVAM
RECTORE MAGNIFICENTISSIMO,
SERENISSIMO PRINCIPE AC DOMINO,

DN. FRIDERICO WILHELMO,
PRINCIPE BORVSSIÆ, MARCHIONE
BRANDENB. &c. &c.

Ex decreto & auctoritate Illustris Jctorum ordinis,
PRÆSIDE,

DN. CHRISTIANO THOMASIO,
JCTO &c. ET FACVLTATIS IVRIDICÆ h. t. DECANO:

PRO LICENTIA,

Summos in utroque jure honores ac privilegia more Majorum
legitime consequendi,

IN AVDITORIO MAIORI,

AD D. XVI. MART. MDCCXIII.

HORIS ANTE ET POMERIDIANIS,

PVB.ICO ERVDITORVM EXAMINI SVBMITTIT,

JEREMIAS AVGVSTVS Steche,
BRENA-SAXO.

HALÆ MAGDEBVRGICÆ,

TYPIS IOANNIS GRVNERI, ACADEM. TYPOGR. Recusa 1722.

**DEO
ET
PATRIÆ.**



DISSERTATIO IN AVGVRALES JURIDICA
DE
REMISSIONE TACITA PI-
GNORIS VEL HYPOTHECÆ PER RE-
MISSIONEM DEBITI ET CONSENSUM
IN ALIENATIONEM REI.

SUMMARIA.

Causæ dissensus Actorum de remissione tacita pignoris.
I. Ordo dicendorum. II. Renunciatio non præsumitur.
III. Quilibet Juri suo renunciare potest. IV. Renunciatio
tacita non confundenda cum præsumta. V. Regula de re-
missione juris tacita. VI. Remissio tacita pignoris sit remis-
sione debiti. VII. Item consensu in venditionem pignoris.
VIII. Item consensu in oppignorationem. IX. Eadem est ra-
tio hypothecæ. X. Quid si creditor fideiussorem acceperit.
XI. Transitus ad Leges & doctrinas Pragmaticorum. XII.
Etiam jure Romano remisso debito remissum tacite est pi-
gnus. XIII. Sed an etiam, si remisso debiti sit inutilis.
XIV. Jure Romano tacite remissum pignus consensu cre-
ditoris in alienationem. XV. Quid si creditor consenserit
in certam alienationis speciem. Marcianus notatus. XVI.
Quid si tertius alienaverit non debitor. Explicatio l. 8.

§. 16. h. t. XVII. *Consensus creditoris non extendendus ultra tempus determinatum* XLIX. *Quid si debitor vendens aut eius heres iterum possessionem rei venditæ acquirat, annon tum præsumatur reviviscere pignus?* XIX. *Consensus Marciani, l. 8. §. 7. §. 10. ff. h. t. XX. Quid si a venditione recedatur, ius pignoris salvum manet. Explicatio l. 10. pr. h. t. XXI. Contraria Justiniani sententia in l. ult. C. h. t. reiiicitur. XXII. De reliquis quæstionibus huc pertinentibus remissive. XXIII.*

§. I.

Causæ dissensus Jctorum de remissione tacita pignoris.



DE remissione tacita pignoris vel hypothecæ cur passim dissentiant Jcti pariter Romani ac hodierni, a) non mirandum, partim quod doctrinæ iuris in genere ob infinitam circumstantiarum varietatem non possint regulis omnino certis includi b), inprimis in quæstionibus de voluntate tacita c); partim quod sæpius describi soleant absque iudicio collectanea aliorum Jctorum d), non maiore, aut certe non adeo magno iudicio collecta e).

- a) Ut apparebit ex dicendis suo loco in quæstionibus de tacita remissione pignoris vel hypothecæ, si creditor venditioni aut oppignorationi pignoris consenserit, si fideiussorem pro pignore vel hypotheca sibi dari passus fuerit &c.
- b) Communis regula, minima circumstantia variat ius. Cuius sensus non iste est, ac si semper & ubique illa variatio actu fiat, cuius contrarium testantur tot infinitæ extensiones

ones regularum Juris a Dd. passim traditarum & a variantibus circumstantiis desumptarum, sed quod rationes axiomatum iuris sæpe se fundent in una vel altera circumstantiarum pro reliquis, atque adeo limitationes patiantur, si vel illæ circumstantiæ morales deficiant, vel aliæ circumstantiæ morales concurrant, ad quas rationes regularum applicari non poterant, unde infinitæ limitationes Pragmaticis nascuntur. Voco autem circumstantias morales, quæ communi includuntur versiculo:

Quis, quid, ubi, quibus auxiliis, cur, quomodo, quando.

Atque huc respexerunt Icti Romani, Paulus, Papinianus. Iavolenus l. 1. l. 89. l. 202. de R. J. conf. Wissenbach. ad dd. ll.

- c) Expressa voluntas verbis declaratur, tacita factis. Sed cum verba sæpe sint **ambigua & non raro** res una plures denotantia vel significatum modo latiore & generaliore, modo strictiore & specialiore involventia, sæpe plus vel minus dixerit loquens vel scribens, quam senserit, inde coniecturis variis opus est ad eliciendam mentem loquentis vel scribentis. Quare Celsus notavit l. 17. ff. de LL. *Scire leges non hoc est verba earum tenere, sed intelligere vim & potestatem.* Cum autem factis regulariter non ita perspicue & plane declaratur voluntas nostra, uti verbis, sed pluribus coniecturis hic sit opus ad eliciendam voluntatem nostram, facile patet, regulas de voluntate per facta declarata plures etiam admittere limitationes.

- d) Dolendum profecto, quod hodie in media luce emendatæ philosophiæ, rationalis pariter ac moralis, studiosi, nescio suo magis, an alieno vicio negligent studia philosophica, sed plerumque illotis manibus ad sacra Iurisprudentiæ, quæ sine fundamentis utriusque Philosophiæ omnino cæca est, grassentur. Unde non poterit non illud emergere damnum, ut dum postea vel partibus in iudicio postulando assunt, vel etiam de jure consulti respondent,

aut etiam iura profitentur, absque iudicio recitent collectanea aliorum, maxime de peculiaribus iuris capitibus in magnis voluminibus agentium, v.g. Menochii de arbitrariis iudicium quaestionibus & praesumptionibus, Mascardi de probationibus, Manticae de tacitis & ambiguis conventionibus, item de coniecturis ultimarum voluntatum, Farinacii de criminibus &c. vel, si res angusta domi sit, Carpzovium suum tantum non ubique & semper expilent.

- 6) Absit invidia dicto. Diligentiam & laborem Virorum illorum suo tempore famigeratissimorum miror, & nostram pigritiam deploro. Eos etiam excuso ob defectum subsidiorum, quibus hodie abundamus. Idem ante me senserunt Duarenus & Cuiacius de vulgaribus Doctorum Brocardicis vel Burcardicis, quorum verba adducit Wiffenb. *ad l. 202. d. R. I. n. 6.* Ita ut unicum saltem exemplum adducam, si v.g. ex Mantica *de tacitis & ambiguis conventionibus libri 1. titulum 5.* perlegas, ubi exponere intendit, quid sit conventio expressa, & quomodo a tacita differat, deprehendes, quod post lectionem eius tituli confusior recessurus sis, quam antea accesseras. Interim nolo extorquere e manibus cultorum iuris scripta illa. Sanis omnia sana, & iudicio pollentibus etiam illa collectanea valde profunt.

II.

Ordo dicendorum.

Igitur operam dabimus, ut quantum fieri potest regulas vel observationes de tacita remissione pignoris proponamus perspicuas & breves, ac ex sensu quasi communi deductas, tum ut exinde deducamus conclusiones potissimas, ac secundum eas examinemus leges Ictorum Romanorum & regulas Pragmaticorum.

Hac methodo iam anno 1699. usus Dn. Praeses in Doctrina a Pragmaticis confusissime tradita de protestatione facto contraria.

III.

III.

I. Remissio seu renunciatio a) pignoris non præsumitur b).

Renunciatio non præsumitur.

a) Hæc enim in præsentī materia synonymice fere usurpantur aut æquipollent.

b) Est enim renunciatio facti, facta vero non præsumitur in dubio, sed probanda sunt. Est ergo hæc regula simplex, & ex sensu communi deducta. Et adeo ex natura negotiorum humanorum facilius intelligitur, quam si deducatur ex Iure Canonico *cap. supr. hæc 5. & cap. sane 7. de renunc. cum Mantica lib. 12. tit. 19. n. 20.*

IV.

II. Quilibet tamen regulariter iuri pro se introducto vel introducendo, & sic etiam iuri pignoris & hypothecæ renunciare potest.

Quilibet Juri suo renunciare potest.

Ius vel pro lege sumitur vel pro attributo personæ. Posterior significatio est huius loci. Nam renunciare nemo potest legibus, cum ex adstrictione voluntatis sibi subiectorum seu obligationem intendunt. Ius autem pro attributo personæ sumptum est laxatio voluntatis nostræ obligationi opposita. Adde Dn. Præsid. *inslit. iur. rapr. div. l. 1. c. 1. n. 133.* Fluit igitur & hæc regula ex natura negotiorum humanorum, adeoque vera fuit ante Ictos & Imperatores Romanos ex quorum legibus eam probare intendit Mantica *lib. 13. tit. 41. num. 3.*

V.

III. Vti conventio & acquisitio est vel expressa vel tacita, ita & renunciatio & remissio iuris, quarum tamen posterior non confundenda cum renunciatione ficta vel a lege præsumpta, invito etiam eo, de cuius remissione quæritur, etsi & hæc quandoque tacita vocetur, quatenus videlicet & ipsa opponitur conventioni

Renunciatio tacita non confundenda cum præsumpta.

aut

aut remissioni expressæ. Unde & de ea in quæstione præsentis suo modo erimus solliciti.

Hæc observatio ideo est valde necessaria, quia communiter, etiam a Doctoribus iuris naturalis, uterque consensus, tacitus & fictus, confundi solet. Nolumus autem in ostendenda utriusque differentia hic prolixiores esse, cum iam perspicue id præstiterit Dn. Præses in Disp. Lipsiensi tertia *de philosophia iuris cap. 2. §. 124. seqq.* & in *institut. iuris divini lib. 2. cap. 7. §. 17. seqq.* Ex quibus locis etiam reliqua ad explicationem thesæ præsentis & subsequentium facientia peti possunt. Hæc vero cum non observaverit Mantica, non mirandum, quod *l. 1. tit. 5. de tacitis & ambiguis conventionibus* lectorem potius confundat, quam erudiat, consensum tacitum & præsumptum seu fictum modo utcumque distinguendo, inodo rursus confundendo. Quod si vero quis differentias utriusque consensus probe observaverit, illi non erit difficile, secernere ibi falsa a veris, & contradictiones apparentes legum Romanarum conciliare.

VI.

Regula de remissione iuris tacita.

IV. Remissio iuris cuiuscunque tacita præsumitur ex facto tali, quo quilibet homo sanæ mentis remissionem cuiusmodi declarare solet a). Quod factum si tale non sit, sed ambiguum interpretationis, remissio non præsumitur b), nisi æquitas naturalis ob intervenientem doli vel similem circumstantiam postulet, ut invitus etiam ius suum remisisse censi debet c).

- a) Ita moribus Gentium & ante natam Romanam Rempublicam, creditor, qui liberam habet rerum suarum administrationem, & intellectum eorum quæ agit, si debitori chi.

chirographum reddiderit, tacite remisisse debitum putatum est. Pufend. *de iurę N. & G. libr. 3. c. 6. §. 2. confer. l. 2. de pactis.*

- b) Hinc v. g. pignore debitori reddito non statim censetur ipsum debitum remissum *l. 3. ff. de pactis*, quia sublatio obligationis accessorizę non tollit statim principalem. Hinc falsa est regula, aut certe infinitis limitationibus aut exceptionibus obnoxia, quod qui tacet, consentire videatur. Quia multę alię possunt subesse rationes, cur quis citra intentionem consentiendi taceat. Vid. Barbosa *axiomaticus sub voce tacere num. 14. edit. novissima.*
- c) Sed tum erit conventio aut remissio non tacita strictę dicta, sed pręsumta; quia obligatur etiam invitus. Adeoque non opus erit, de remissione pręsumta peculia-rem regulam tradere: quia hæc fere illis rationibus n- titur, quod dolus aut culpa non debeat prodesse illi, qui dolose aut culpose egit, & alteri nocere, aut quod nemo debeat locupletari cum alterius damno. Sic & taciturnitas nocet tacenti, si dolosa sit, & alteri damnum dare intendat, Barbosa *d. l. num. 7. limit. 9.*

VII.

His præmissis non difficile erit etiam non inspe-ctis textibus iuris regulas speciales de remissione pignoris tradere: sit itaque regula

Remissio ta-
cita pignoris
fit remissione
debiti.

V. Remissio pignoris tacite facta censetur, si remittatur debitum a), nisi aliud actum sit, v. g. si debiti exactio saltem ad tempus suspendatur b).

- a) Quia sublato debito principali tollitur obligatio accessoris. Est tamen hæc obligatio magis pręsumta quàm tacita, quia obligat etiam invitum, utpote proveniens ex æquitate naturali. Nam etsi opponere velles, quod invitus

B

non

non obligetur, si ita remittat creditor debitum principale, ut expresse sibi reservet retentionem pignoris. Responderem tamen, vel illam assertionem falsam esse, vel si vera sit, non spectare ad casum regulæ nostræ, quia, si reservatio illa pignoris valeret, non censeretur fuisse facta remissio debiti, sed subesse datio in solutum, ac ita vox remissionis debiti in sensu valde improprio fuisset adhibita.

- b) Unde si accurate loqui velles, posses etiam hanc limitationem expungere & plane omittere. Nam suspensio executionis debiti ad tempus non est remissio debiti. Idem erit iudicandum de casibus similibus, v. g. si debitum saltem ex parte remittatur. Quia tum cessat ratio regulæ nostræ. Neque enim tum debitum principale totum est extinctum. An vero tum saltem non ex parte censetur pignus tacite remissum esse? Nec hoc dixerim. Quia regulariter pignus maioris pretii pro debito minoris pretii, maioris securitatis causa dari solet. Etsi autem & tum æquius sit, ut creditor pignus pro toto debito acceptum reddat debitori, & pignus aliud accipiat, aliud tamen est æquius esse, aliud æquitatem absolutam subesse. Unde omnino hoc casu prudentis debitoris erit, statim in ipsa remissione debiti pro parte, stipulari redditionem prioris pignoris, oblato alio.

VIII.

Item consensu in venditionem pignoris.

VI. Remissum tacite censetur pignus, si creditor consentiat in alienationem pignoris a), nisi aliud actum fuerit b).

- a) Consensus enim in alienationem tale factum est, quo quilibet homo sanæ mentis censetur etiam voluisse pignus remittere. Nam ideo consensum eius postulat debitor, ut rem oppignoratam alteri post venditionem, vel alium contractum alienationem intendentem traderet, & ita domi-

dominium transferret. Igitur creditor contentiens in venditionem, consensisse etiam censetur in traditionem, & tacite promississe, quod venditione facta pignus velit debitori tradere atque jus suum remittere.

- b) Nam si ita consentiat, ut expresse sibi reservet ius pignoris, cessat ratio allata. Pertinet enim hæc regula ad remissionem tacitam stricte dictam. In hac autem valet illa regula: Quoties constat de voluntate contraria expressa, toties frustra quaerimus de tacita. Vid. Dn. Præf. *Instit. lur. pr. div. l. 2. c. 7. §. 27.*

IX.

VII. Remissum tacite censetur pignus, si creditor consentiat in novam oppignorationem, nisi aliud actum fuerit. Item consensu in oppignorationem.

Nam hic utrobique est eadem ratio.

X.

VIII. Quæ hactenus de remissione tacita pignoris diximus, etiam in remissione tacita hypothecæ a) habent locum, ad eamque adeo applicari possunt, quæ de remissione debiti principalis b) de consensu creditoris in alienationem rei oppignoratæ c), & in novam oppignorationem d) diximus, ita ut ex his etiam causis regulariter e) etiam hypotheca tacite remissa esse censenda sit. Eadem est ratio hypothecæ.

- a) Pignus equidem & hypotheca non nisi sono differunt l. 5. §. 1. de pignoribus & hypothecis, unde aliquando promissæ usurpantur l. 17. §. 2. de pact. l. 5. §. 2. de pign. & hypoth. Per hypothecam vero intelligitur in significato strictiore res oppignorata absque traditione, per pignus stricte dictum, cum traditione. Dd. ad instit. quibus modis re contrahitur oblig. & ad ff. de pignor. actione item de pign. & hypothecis.

B 2

b) Quia

- b) Quia hic utrobique est eadem ratio, quam dedimus §. 7.
- c) Et si enim cesset ratio, quam de pignore dedimus *ad §. 8. lit. a.* non alium tamen in finem consensus creditoris in alienatione hypothecæ a debitore requiritur, quam ut hypothecam dimittat, cum alias etiam absque creditoris consensu hypothecam alienare possit.
- d) Argumento eorum, quæ modo diximus, de consensu in alienationem, in primis cum per novam oppignorationem non tantum præiudicium creetur creditori, quam per venditionem.
- e) Id est, nisi aliæ circumstantiæ aliud suadeant. v. g. Si creditor in constitutione hypothecæ addiderit pactum de non alienando. Tum venditio sine consensu creditoris facta nulla erit. Barbofa *voce hypotheca n. 14.* Ergo & tum effectus consensus a creditore impetrati erit, ut venditio subsistat, non ut tacite censeatur esse remissa hypotheca.

XI.

Quid si creditor fideiussorem acciperit.

IX. Non censetur remissum esse tacite pignus vel hypotheca a creditore fideiussorem insuper accipiente pro debito a), nisi aliud actum fuerit b).

- a) Quia tum censebitur potius fideiussor in maiorem securitatem esse assumptus, quam pignoris vel hypothecæ dimittendæ gratia, *conf. reg. 4. §. 6.*
- b) Hoc est, si creditor ideo fideiussorem accipiat, ut dicat, se velle remittere ius hypothecæ vel pignoris.

XII.

Transitus ad leges & doctrinas Pragmaticorum.

Jam secundum regulas hactenus positas examinabimus leges a) & doctrinas Pragmaticorum b) de remissione tacita pignorum vel hypothecarum agentes.

a) At

a) At, inquires, quid hoc novæ rei est. Sane doctrinæ scholasticæ potius secundum leges examinandæ sunt, quam ut leges examinari debeant secundum opiniones scholasticas. Nam leges sunt normæ actionum humanarum, quibus etiam ipsi doctores tenentur. Utique, si modo sint leges propriæ dictæ. At leges propriæ dictæ non feruntur intellectui, sed voluntati. Id est præscribunt normam hominibus, quid agere & velle deceant, non præscribunt normam interpretandi dubiam voluntatem hominum, in quæstionibus, quid agere voluerint. Interpretatio autem voluntatis humanæ non ad philosophiam de moribus pertinet, sed ad philosophiam rationalem. Ergo Icti, quoties de regulis interpretandi agunt etiam in legibus Justinianeis, non habent animum leges præscribendi aliis, sed ~~sententiam~~ suam proferunt circa doctrinam de interpretatione voluntatis dubiæ, adeoque etiam examini aliorum rationali subiiciuntur. Conf. Dissert. Dn. Præsidis de interpretatione beneficiorum Principis.

b) Certe pragmatici sæpius errant, & de his minus dubium fubest. Huc pertinet *Chilias* Antonii Fabri de erroribus Pragmaticorum.

XIII.

In eo igitur cum hætenus traditis conveniunt leges Romanæ, quod remisso debito remissum tacite censetur pignus.

Etiam iure Romano remisso debito remissum tacite est pignus.

Rationem supra ad §. 7. positam aliis verbis effert Paulus l. 129. §. 1. de R. I. Cum principalis causa non consistit, ne ea quidem, quæ sequuntur, locum habent. Imperatores

vindicare hypothecam a tertio possessore potuerit? Hic certe illa ratio *de receptione perpetua* a Marciano allata nequaquam asferri potest, cum hic exceptio pasci sit saltem temporaria, adeoque si saltem illa ratio liberaret possessorem, in hoc casu non esset liberatura. Hoc tamen non obstante responderem, hypothecæ possessorem non posse conveniri a creditore, non quasi per illud pactum hypotheca sit tacite remissa, sed quod quemadmodum per pactum personale petitio debiti principalis ad tempus est suspensa, ita etiam suspensa esse censetur petitio accessorii, i. e. pignoris. Atque ne frustra hæc dixisse videamur, eadem videtur quoque esse mens Marciani in §. i. statim sequente. Pergit enim: *Si paciscatur Creditor, ne intra annum pecuniam petat, intelligitur de hypotheca quoque idem pactus esse.* Puto paraphrasi hac mentis Marciani, obscuritatem textus sublatam esse, quæ alias valde intricata videbatur, ita ut eam Dionysius Gothofredus ne quidem tangere voluerit, Glossa vero aliquo modo textum quidem explicaverit, sed tamen, ut rationes dubitandi nec tollerentur nec attingerentur. Mantica *de tac. & ambig. convent. lib. ii. tit. 31. quibus modis pignus solv.* observationem de sublatione pignoris per remissionem debiti principalis plane omisit. Et revera videbatur hæc observatio iure omitti posse, tanquam in qua ob evidentiam eius naturalem, nulla poterat subesse dubitandi ratio. Sed quemadmodum Marcianus, ut modo vidimus, intempestiva sua subtilitate eam explicando obscuram reddidit, ita non mirandum, quod Tribonianus Collegæ plane videantur veritatem sententiæ huius indubitabilis in dubium vocare, ac plane negare, dum in titulo Cod. *de hui. pign.* ex rescripto Imper. Gordiani *legem 2. exerpserunt his verbis. Intelligere debes vincula pignoris durare personarum ratione submota.* Quid clarius dici poterat, quam quod etiam remissio debiti principalis non tollat pignus.

Ergo

Ergo quid dicemus. An forte, quod lèges Codicis derogent legibus Pandectarum, adeoque opinio Marciani hic sit correctæ & emendata? Sed ita obstat *d. l. 7. C. de remiss. pign.* & sic erit antinomia inter ipsos textus Codicis? An dicemus? hanc legem repugnare primis iuris principiis, adeoque non esse attendendam? (per notata *ad thes. præced. lit. a. conf. Cuiacius lib. 5. observ. 32. Dionys. Gothofr. ad d. l. 2. lit. d.*) Ast non est præsumendum, Imperatorem Gordianum tam absurda iubere voluisse. Sed potius verborum durius sonantium mitis sensus ante omnia est quærendus. Sed unde quæremus? Si compilatores codicis integrum Gordiani rescriptum retulissent, haberemus, quod quærimus. At nunc, cum pro more conclusionem rescripti retulerunt, & antecedentia omiserunt, crucem fixerunt interpretibus. Unde & hi solliciti sunt, ut casum invenient ad dicta verba Gordiani quadrantem, & tamen regulæ nostræ & *d. l. 5. pr. quibus modis pignus* non contradicentem. Et invenerunt plures. Res eo reddit. Gordianum non loqui de sublata actione debiti principalis per remissionem, sed per alios modos, v. g. per præscriptionem vel confusionem successionum &c. vid. Gothofr. *ed. d. l. lit. e.* Sed recte Cuiacius *d. l. 5. obs. 32.* *Non sumantur alia exempla, sed explicatio legis huius quærat in præcedenti l. 1. cuius species est huiusmodi: Debitori sub pignore duo heredes exiterunt, singuli actione personali tenentur pro hereditariis portionibus, ex duodecim Tabulæ, hypothecaria in solidum, & ideo si unus solverit pro sua parte, tollitur quidem omni iure actio personalis, hypothecaria non item.* Interim ex hæcenus dictis obiter nota. 1) Etiam JCcos famigeratissimos iam olim non veritos fuisse notare sententias iuris cum principiis moralibus pugnantes. 2) Hominem illis principiis probe instructum, parum proficere studio iuris Romani, quantum ad conclusiones

siones ex illis principiis deductas attinet, sed potius detineri sæpius cum tædio non alium in finem, quam ut obscuritatem legum & duritiem explicet, & emolliat, imo fudere non raro in quæstionibus, quæ nullum omnino hodie usum habent, qualis est illa, cuius hac occasione meminit Wittenb. *ad ff. part. 1. Disp. 40. thes. 34.* An hypotheca tollatur per pactum ipso iure, an ope exceptionis? Circa quam varii textus obstantes ibidem proponuntur & resolvuntur.

XIV.

Quod si tamen remissio debiti principalis nullum effectum habeat, facile patet, neque pignus extinctum censi remanente videlicet debito principali a). Atque sic etiam definitivè *Jus Romanum b)*, nisi exceptis quibusdam paucis casibus, in quibus saltem donationes vel remissiones gratuitæ debitorum non autem remissiones pignorum erant prohibitæ c).

Sed an & tum,
si remissio
debiti sit im-
utilis.

- a) Repete notata *ad §. 7. & ad §. præced. lit. a. ab initio.*
- b) Idem Imperator Gordianus *l. 5. C. h. t. Debitum, cuius meministi, quod per pacti conventionem inutiliter factam remisisti, etiam nunc petere non vetaris & usitato more pignora vindicare.* Sensus planus & nullius emendationis indigens.
- c) Sedes est in *l. 1. §. 1. ff. h. t.* Ubi Papinianus. *Cum venditor, numerata sibi parte pretii, prædium quod venerat (intuitu pretii residui) pignori accepisset, ac postea residuum pretium emptori literis ad eum missis donasset, eoque defuncto donationem quibusdam modis inutilem esse constabat (nimirum cum post mortem donatoris fiscus donationem contra secundum caput legis Cinciae modum excessisse adeoque rescindendam esse urgeret. Conf. Brummer. ad L. Cinciam cap. 12. p. 184. Edit. Paris.) iure*
C
pigno-

pignoris frustra petere prædium, qui successerat in locum venditoris apparuit, cuius (pignoris) solutum esse pactum primæ voluntate donationis constabat, quoniam inutilem (quidem) pecuniæ donationem (quoad summam excedentem & ultra modum in lege Cincia præscriptum) lex (Cincia. Solent enim ICTi more suo speciale iuris, quod interpretantur, nomen, ut satis sibi cognitum, non semper exprimere. Brummer d. l. p. 183.) facit, adeoque actionem ex vendito personalem filco indulget) cui (tamen legi) non est locus in pignore liberando (hoc est in declaratione, quod etiam tacita remissio pignoris sit inutilis. Quoniam videlicet lex Cincia prohibebat quidem donationes, sed non prohibebat remissiones pignorum, utpote quæ sub donationis nomine non comprehenduntur. l. 18. quæ in fraudem credit: Adeoque hoc intuitu etiam subsistebant iuxta regulam, si actus meus non valet, in quantum valere volo, valeat, in quantum valere potest.)

XV.

Jure Romano
tacite remis-
sum pignus
consensu cre-
ditoris in ali-
enationem.

Porro quod tacitam pignoris remissionem per consensum in alienationem pignoris & hypothecæ attinet, & eam ICTi Romani assensu suo approbarunt.

Ita enim Caius l. 158. de R. I. Creditor, qui permittit, rem venire, pignus dimittit. Et similiter l. 7. qu. m. p. v. h. f. Si consensu venditioni creditor, liberatur hypotheca. Clarius Imperatores Severus & Antoninus l. 2. C. de remiss. pign. Si probaveris, te fundum mercatum, possessionemque eius tibi traditam, sciente & consentiente eo, quæ sibi eum a venditore obligatum dicit, exceptione (doli mali vel simili) eam (fundum actione hypothecaria vindicantem) removebis. Nam obligatio pignoris consensu (sive expresse sive tacito) & contrahitur & dissolvitur. Neque

que dissentit a præcedentibus constitutio Gordiani l. 4. C. eodem. Cum te a debitore mercatam proponas eam rem, que alii pignolata erat, si sciente eo AC PIGNUS SUUM REMITTENTE, eam mercatus es, cum eius consensu nexus pignoris evanuerit, si non nova voluntas intercesserit, que denuo obligationem pignoris constituere, ea res velut obstricta non potest vindicari. Hic videtur equidem prima fronte Gordianus in verbis sciente eo, ac pignus suum remittente, innuere velle, non sufficere ad remissionem pignoris nudam scientiam & consensum creditoris, sed requiri etiam, ut expresse renunciet pignori, inprimis cum Gothofredus ad vocem remittente notet: *Expressim, dixi in l. 2. sup. eod. Silentium si-ve scientia non sufficit.* Sed salva res est. Nam etiamsi initio poneremus, Gordianum ita locutum esse; si sciente eo ac pignus suum EXPRESSE remittente &c. propterea tamen non contradiceret Gordianus aliis Ictis vel Imperatoribus, ad tacitam remissionem pignoris sufficere putantibus scientiam & consensum creditoris. Sed solum definiret casum sibi propositum ex circumstantiis in libello supplicatorio memoratis, ubi creditor & sciverat & expresse remiserat: non quasi expressa remissio sit necessaria semper, sed quod, ubi eadem intervenerit, multo minus sit dubium, quod creditor emtorem hypothecaria convenire nequeat. Hinc notum est, quod communiter Doctores ob illas rationes notent, in legibus Codicis argumentum a sensu contrario, seu a positione in legibus sub conditione prolatis ad negationem conditionis contrariæ vel oppositæ, non procedere &c. Cum vero textus Gordiani ne id quidem aperte dicat, alia etiam responsione dubium istud tolli potest. Scilicet dum Gordianus dicit; *Sciente eo, ac pignus suum remittente*, idem est ac si dixisset; *sciente eo ac in venditionem consentiente*, ita ut illa verba: *ac pignus suum remittente*, non opponan-

tur consensui tacito, sed nudæ scientiæ. Quorsum etiam spectat vox *expressim* apud Gothofredum, i. e. *accedente scientiæ expresso consensu creditoris*, uti ex ipsis Gothofredi verbis reliquis indubium est. Pertinet etiam ad thes. nostram textus Ulpiani l. 4. §. 1. & 2. ff. h. t. *Si in venditione pignoris consenserit creditor, ut debitor hanc rem permutet, vel donet, vel in dotem det, dicendum erit, pignus liberari nisi salva causa pignoris sui consensit vel venditioni vel cæteris. Nam solent multi salva causa pignoris sui consentire &c. Sed & si non concesserat (ab initio) pignus venundari, sed (postea) ratam habuit venditionem, idem scilicet pignus liberari erit (ap) probandum, (seu statuendum. Aut ut alii notante Gothofredo non improbabili loco verborum: idem erit probandum: Belle quæritur legunt: idem erit probandum, eum velle. Quæritur &c.) Belle quæritur, si forte venditio rei specialiter obligatæ non valeat, an nocere hæc res creditori debeat, quod consensit. Ut puta, si qua ratio iuris venditionem impediat. Dicendum est pignus valere. Ratio evidens, quia consensus creditoris tacitam conditionem habet, si venditio efficax sit subsecuta. Quæ non impleta cessat consensus, Confer. supra dicta §. 14. Denique Marcianus l. 8. §. 6. h. t. *si voluntate creditoris fundus alienatus est, in verecunde applicare sibi eum creditor desiderat. Si tamen effectus sit secutus venditionis. Nam si non venierit, non est satis ad repellendum creditorem, quod voluit venire. Scilicet ob rationem modo memoratam. Sed hoc iterum erit sublimitandum, ut tacita remissio pignoris effectum habere statim incipiat, quam primum venditio est perfecta, etiam si res nondum tradita, quia tum cessat illa ratio. Notat id idem Marcianus d. l. 8. §. 12. Si debitor vendiderit rem, nec tradiderit, an repellatur creditor (hypothecaria agens a debitore exceptione tacite remissi pignoris, an vero creditori profit replicâ) quasi (ad hunc casum non debeat ap-**

applicari remissio tacita cum) *adhuc res sit in bonis debitoris: an vero cum* (venditor debitor) *teneatur* (tertio emtori) *ex emto*, pignus (statim post factam venditionem) *extinguatur. Quod & magis est. Sed quid* (dicendum erit,) *si pretium venditor consecutus non sit, nec paratus sit emtor dare*, (annon saltem in hoc casu creditor in venditionem consentiens poterit efficaciter agere adversus venditorem rem venditam adhuc possidentem? Sane huc non poterit illa ratio applicari, quod venditor possessor teneatur emtori ex emto, quia, cum non sit fides habita emtori de pretio, emtor non solvens pretium potest repelli exceptione doli; sed tamen hoc non obstante) *santumdem potest dici* (quia sufficit, quod venditor emptori teneatur, si pretium solvere paratus sit.) *Sed adde tamen dictis limitationem ex dicendis infra §. 20.*

XVI.

Uti vero parum dubii superest, si in alienationem quamvis seu in genere consensum fuerit, ita quaeritur, si quis in specie in venditionem aut aliam alienationem consenserit, utrum censeatur etiam pignus tacite remisisse, si debitor alio modo, quam qui in conventionibus verbis expressus erat, alienaverit. Regulariter quaestio neganda a), nisi aliud ex circumstantiis gestum esse appareat b). Ubi simul notam meretur Philosophia Marciani, non ubique recte se habens c).

Quid si creditor consenserit in certam alienationis speciem? Marcianus notatus.

- a). Non obstat, quod Gothofredus *ad l. 8 §. u. h. t. lit. x.* notet, venditionis vocabulum omnem alienationem comprehendere, eamque in rem adducat *l. 29. in fine de statu lib.* Nam ipsa *l. 29.* ostendit, hanc observationem procedere in explicandis verbis legum, venditionis (vel prohibita vel concessa) mentionem facientium, quod eadem tum fit ratio reliquarum specierum alienationis.

C 3.

Non.

Non vero idem dicendum de conventionibus, ut ibi verbum *vendendi* indistincte comprehendat reliquas alienationum species. Unde iam facile intelligitur sensus eiusdem Marciani l. 8. §. 11. *Venditionis autem* (in formula hypothecaria, quam, ut ex rubrica l. 8. videre est, ibi explicat Marcianus) *appellationem generaliter accipere debemus; ut & si legare permiserit* (creditor) *valeat quod concessit* (videlicet ut pignus vel hypothecæ ius in illam rem legatam censeatur esse remissum). *Quod ita* (tamen) *intelligimus, ut si legatum repudiatum fuerit* (& ita consensus ille nullum effectum habuerit, remissio cesset, &) *convalescat pignus* (uti de venditione iam similiter dictum erat d. l. 8. §. 6.)

- b) Non, quod renunciatio sit stricti iuris & odiosa, adeoque non extendenda sed restringenda, nam has & similes regulas de favorabilibus & odiosis rem dubiam non explicare, sed implicare alibi latius ostendit Dn. Præses in *appendic. ad lib. 2. Instit. Jurispr. divin.* sed quod consensus regulariter non sit extendendus ultra verba, nisi dissentiens ostendat paritatem rationis. Quod si non fiat, uti secundum regulam, de quo non fuit a partibus cogitatum, de eo etiam non est actum, ita etiam regulariter de eo non censeatur esse cogitatum, de quo ex verbis non constat fuisse actum. Ita v. g. si consenserim in venditionem eum in finem, ut ex pretio accepto ab emptore venditor mihi satis faciat, non consensi in donationem, imo nec in dotis dationem, quia utrobique hic finem consensus non obtineo. At si consensi in venditionem, simul remittens debitum, aut, quia debitor loco pignoris remittendi mihi alio modo, fideiussione vel alio pignore, satisfacit, haud dubie sub venditione censebuntur ob idenditatem rationis reliqui modi alienandi comprehensi esse. Hoc supposito videamus, quid doceat Marcianus d. l. 8. §. 13. h. t. *Sed si permiserit creditor, vendere, debitor vero donaverit, an exceptione* (ta-
cite

cite remissi pignoris) *illum removeat*, (donatarius hypothecaria conventus; ex ratione videlicet, quod venditio sub se comprehendat alias etiam alienationis species?) an (vero opinione illa reiecta) *facta magis sit questio* (ut inspiciatur, quid intenderit creditor & agere voluerit) *num quid ideo veniri voluit, ut pretio accepto ipsi quoque* (solutione debiti a venditore facta) *res* (vendita) *expediat* (& profit). *Quo casu non nocebit consensus* (si debitor rem donaverit). *Quod si in dotem dederit* (fundum cuius venditionem ipsi permiserit creditor) *vendidisse in hoc casu recte videtur* (id est, idem esse censetur, ac si vendidisset, atque adeo creditor consentiens venditioni repelletur a marito dotem accipientem exceptione tacite remissi pignoris) *propter onera matrimonii, (id est, quia dotis datio non est contractus lucrativus, uti donatio, sed æque onerosus propter onera matrimonii, ac venditio propter onus pretii solvendi, adeoque dotis datio sub voce venditionis tanquam contractus æque onerosi comprehenditur l. 19. de O. & A.) In contrarium, si concesserit donare, & vendiderit debitor, repelletur creditor* (hypothecaria agere volens sub prætextu, quod in donationem quidem consenserit, non autem in venditionem. Præsumitur enim consentiens in donationem remisisse pignus sine omni spe, ut ex alienatione hac ipse aliquam utilitatem habeat, ergo præsumitur etiam consensurus fuisse, si debitor eius consensum ad venditionem petere voluisset. Sed tamen & hæc decisio dubia est, si generaliter accipiatur, sed saltem in quibusdam casibus habebit locum). *Nisi si quis* (in contrarium) *dicat,* (posse & in donatione multas subesse circumstantias suadentes, consensum creditoris ad donationem non esse extendendum ad venditionem, etenim creditorem forte) *concessisse donari, quod amicus erat is, cui donabatur* (atque

(atque adeo remisisse solum pignus in favorem huius amici, quæ intentione non adimpleta reviviscat pignus, simili ratione, ut si venditio, in quam consenserat, non fuisset secuta. Adde & alium casum. Quid si creditor sperasset donatarium, virum forte potentem, ipsi in alia re maioris momenti, quam debitum erat, inservire posse & velle, si res oppignorata illi donata fuerit, & si quæ plures possunt subesse eiusmodi circumstantiæ intentionem consentientium variantes).

- c) Scilicet dum dicit, ut in nota præcedente vidimus, quod creditor, qui in venditionem consensit, censeatur etiam pignus tacite remisisse, si debitor fundum in dotem dederit. Liceat hic pace Marciani dicere, hanc decisionem falsam esse, & rationem pro ea allatam esse parum ad quæstionem istam pertinentem. Falsitas probatur ex verbis paulo antecedentibus eiusdem Marciani de consensu creditoris in venditionem eum in finem facta, ut pretio ab emptore accepto ipsa a debitore satisfiat. Quæ intentio certe cessat, si debitor fundum in dotem dederit. Impertinentia rationis ad quæstionem præsentem inde constat, quia in legibus quidem de contractibus onerosis agentibus sub venditionis nomine comprehendi potest & solet dotis datio, alia vero est ratio in controversiis de explicando sensu conventionum, per modo notata *lit. a. ab initio*. Adde, quod dos non sit constituenda in fraudem creditorum *l. 10. §. 14. l. ult. §. 1. quæ in fraud. cred.* Neque dubio nostro satisfacit regula alia, benignius esse, ut in ambiguo pro dote respondeatur, etsi ea utatur Mantica *lib. 11. tit. 31. n. 93.*

XVII.

Quid si tertius alienaverit, non debitor.

Sed quid si creditor cencefferit debitori alienationem pignoris, & non ipse, sed alius alienaverit? Facilis responsio, non esse tacite remissum pignus, nisi illi alius

lius repræsentet debitoris personam sive ut heres sive ut mandatarius a), quia de alienatione tertii non fuit actum b). Idem etiam sensit Marcianus c).

Explicatio l.
6. §. 16. h. t.

- a) Secundum regulam vulgarem, quod quis per alium facit, id ipse fecisse intelligitur.
- b) Confer notata ad §. *præced. lit. b. ab initio*. Unde etsi Marcianus mandatarii non faciat mentionem, haud dubie tamen & hic nobiscum consensit, ob statim dicenda.
- c) *d. l. §. 16. & 17. h. t. Si debitori concessum sit* (vendere pignus) & heres eius (demum) vendiderit: *potest facti quasiq. esse* (& a nonnullis dubium moveri) *quid intellexerit creditor?* (& an etiam concedendo debitori suo venditionem, heredem subintellexerit, an vero consensum suum ad solam debitoris personam restringere voluerit, argumento forte ab eo desumpto, quod quemadmodum consensus in venditionem non debeat extendi ad aliam alienationis speciem, per dicta thes. *præced.* ita etiam consensus ad personam debitoris restrictus non debeat extendi ad debitoris heredem) *sed* (istis tamen rationibus dubitandi non obstantibus) *recte venisse* (pignus vel hypothecam ab herede debitoris, & ita creditori, rem a tertio possessore vindicare volenti, nocere exceptionem pignoris tacite remissi) *consendum est*. *He enim subtilitates* (evidenter inanes, cum a non præsumta extensione venditionis ad aliam alienationis speciem, ad præsumendam extensionem a persona debitoris ad eius heredem, ob perspicuam rationis diversitatem, argumentum non procedat,) *a iudicibus non admittuntur*. Sequitur apud Marcianum iam alter casus. *Si debitor forte concessa venditione* (a creditore sibi facta, non ipse vendiderit, sed vel fraudulenta collusione cum alio vel ex negligentia) *desierit possidere, & novus* (rei oppignoratæ) *possessor* (eam) *vendiderit, (quæritur) an duces pignus, quasi personæ* (saltem debitoris non tertio venditionem

D

nem

nem) *permiserit creditor. Quod & magis* (statuendum est. Nam (imo potius contra) *si novo possessori non debitori, a quo hypothecam accepit, concessit creditor vendere,* (& hic vendiderit, dicendum erit) *nocere ei* (creditori actionem hypothecariam instituenti) *exceptionem* (remissi taciti pignoris, etiam si is ipsi debitori rem rursus vendiderit, ut notat Glossa *ad hæc verba. Quod tamen intelligendum est cum limitatione ex mox ad §. 19. dicendis.)*

XVIII.

Consensus
creditoris
non exten-
dendus ultra
tempus de-
terminatum.

Porro consentiens, ut pignus vel hypotheca intra certum tempus vendatur, non censetur remisisse pignus, si intra illud tempus venditio facta non fuerit a). Ut recte iterum Marcianus notat b).

- a) Ob evidentem restrictionem consensus a creditore adhibitam, cuius nullus esset effectus, si liceret debitori, etiam post illud tempus creditorem invitum iure suo privare.
b) *d. l. 8. §. 18. Sed si intra annum aut biennium consenserit creditor vendere* (pignus vel hypothecam,) *post hæc tempus vendendo* (debitor) *non aufert pignus* (vel hypothecam) *creditori.*

XIX.

Quid si debitor vendens aut eius heres iterum possessionem rei venditæ acquirat? An non tum præsumatur reviscere pignus?

Ceterum cum evidens sit, ea, quæ hactenus dicta sunt de tacita remissione pignoris, ex consensu creditoris in venditionem præsumenda, potissimum locum habere in quæstionibus, si creditor postea rem a tertio possessore vindicare voluerit a), caute erit procedendum in quæstionibus, ubi post concessionem illam agitur contra debitorem ipsum vendentem aut eius heredem, rem venditam iterum possidentem b). Hic enim æquius erit, si c) iudicetur, tacite d) restitutum esse pignus credi-

creditori antea id tacite remittenti ob dolum debitoris præsumtum e). Sed hæc tamen præsumptio non nocere potest aliis, qui interim in re illa oppignorata ius pignoris vel hypothecæ acquisiverant f).

- a) Nam de his casibus hætenus in quæstionibus §. 5. & seq. propositis actum fuit.
- b) v. g. si debitor vendens aut eius heres postea rem venditam iterum a tertio possessore acquisiverit, aut eius heres factus fuerit, aut tertius possessor heres venditoris extiterit.
- c) Repetenda hic erit observatio supra §. 7. *lit. b.* proposita. Non enim hic æquitas absoluta subest, ut ita necessario pronunciari debeat, ~~sed comparata saltem.~~ Unde securus hac parte in illo casu non debet esse creditor de tali sententia necessario obtinenda, sed melius faciet, si alio modo sibi prospiciat.
- d) Vocetacitæ restitutionis in sensu lato accepta, ut hic denotet restitutionem a iure etiam contra invicem præsumtam, per ea quæ supra dicta sint *ib. §.* Nam facta illa (acquisitio nova possessionis rei antea venditæ, aditio hereditatis eius, qui rem venditam possidet, aut eius qui rem venditam vendidit) talia certe non sunt, ut quilibet homo sanæ mentis credatur per ea pignus semel remissum restituere voluisse. Conf. supra *thes. 6.*
- e) Præsumptio hæc in eo fundatur. Non creditur, quod creditor consentiens in alienationem pignoris vel hypothecæ, id alia ex causa regulariter fecerit, quam quod debitor ipsi persuaserit, hanc alienationem esse medium, ut eo facilius creditori satisfieri queat, aut quod debitor certe ipsi promiserit, quod debitum solutione aut satisfactione alia expungere velit. Etsi vero demus, debitorem talia promittentem tempore promissionis & consensus a creditore

ditore impetrati dolose non egisse, sed seriam habuisse intentionem, debitum solvendi; eo ipso tamen, quod id postea fuerit solutum, iusta oritur suspicio adversus debitorem, quod dolus postea supervenerit, atque sic beneficio a creditore antea impetrato & ipse & eius heres indignus sit. Adde, quod parum inter sit, utrum dicamus, restitutum esse tacite pignus intuitu debitoris nec ne. Nam certe actio personalis remanet, id operatura, ut si non solvat debitor aut heres, creditor a iudice novum pignus per immisionem in bona impetret. &c.

- f) Nam etsi dolose postea agat debitor aut eius heres debitum non solvendo, hic tamen dolus non potest nocere creditori, qui post remissionem pignoris a primo creditore factam bona fide ius in illa reacquisiverat. Et intuitu eius cessat etiam ratio adversus debitorem aut eius heredem modo allata. Alia quaestio esset, si debitor consensus a primo creditore impetrans statim ab initio habuerit animum dolosum decipiendi creditorem, & is etiam a primo creditore probari possit, (sive dolus hic incidat in contractum consensus impetrati, sive ei causam dederit.) Cum enim dolus talis contractum ipso iure nullum reddat, & talis nullitas omnia restituat in integrum, hinc dicendum videtur, in hoc casu hypothecariae locum esse non solum contra debitorem aut eius heredem pignora illa rursus possidentes, sed etiam adversos novos creditores, qui postea eam rem pignori acceperant, aut ius hypothecae in ea impetraverant, & in concursu creditorum adeo creditorem primum iis praefereendum esse, idque nec invita iurisprudentia Romana argumento eorum, quae supra dicta sunt in §. 14.

XX.

Ex his principiis etiam videtur explicandus esse Marcianus a), qui pro more suo b), etsi pluribus hic utatur

Consensus
Marciani l. 8.
§. 7. 8. 9. 10. ff.
h. t.

tatur verbis c), tamen non minus obscurus est, ac si nimia brevitate usus fuisset d).

a) in l. 2. §. 7. 8. 9. 10. ff. b. t. ut statim ostendemus.

b) Specimen similis obscuritatis iam dedi supra in nota ad thes. 13.

c) Notus vericulus: *Obscurus fio, dum brevis esse volo*. Et hic ratio obscuritatis aperta est, ab omittas varias rei circumstantias ad iustam ideam de ea formandum necessarias. Sed causæ obscuritatis multiloquæ variæ sunt, cumlatio variarum rerum non connexarum, loco circumstantiarum necessariorum; narratio superfluarum, & ad ideam formandum parum aut nihil facientium; nimium studium, rem pluribus verbis distinctius explicandi; tedium auditoris aut lectoris inde ortum &c.

d) *Supervacuum est*, inquit Marcianus, *querere* (utrum dicendum sit) *agrum specialiter hypothecæ datum* (Nam in hypotheca generali aliud dicendum per ea, quæ notabimus ad §. 11.) *permisso creditoris venisse*, (& sic hypothecam tacite esse remissam) *si (modo) debitor re (ipsa) possideat* (eum, quia tum plerumque venditio non fuit subsecuta, ac sic tacita remissio effectu fuit destituta §. 6. d. l. 8.) *nisi, quod potest fieri*, (illa circumstantia adsit,) *ut debitor permisso creditoris vendiderit, deinde post ea bona fide* (& non ex dolo aut collusionem cum eo, cui ager venditus) *redemerit ab eodem, vel ab alio, ad quem per successionem* (sive universalem sive singularem) *res pertinere cæpisset, aut si ipse debitor emtori heres extiterit*. (Cum enim hic venditio revera fuerit secuta, cessat ratio prior, adeoque dicendum videtur, per consensum creditoris hypothecam semel remissam, non reviviscere per novam debitoris possessionem.) *Veruntamen* (repenitus expensâ contrarium videtur æquius, restitutam esse tacite hypothecam creditori) *cum pecunia (interim) soluta non sit* (a debitore, cuius tamen gratia creditor regulariter censetur in venditionem agri

consensisse adeoque huic debitoris facto) *doli mali suspicio inierit*, (a tempore consensus impetrati) *translata ad præsens tempus* (actionis hypothecariæ institutæ. Credo tamen Marcianum dicere voluisse, aut certe debuisse *translata per fictionem ad tempus præteritum consensus impetrati*, ac si videlicet dolosa intentio subsequens decipiendi creditorem adfuerit initio, *conf. dicta ad thes. præcedent. lit. f. in fine*) *ut possit creditor* (actione hypothecaria conveniens debitorem aut eius heredem, exceptione non competentis actionis ob consensum vendendi ei opposita) *replicationem doli mali obicere* (quasi scilicet remissio illa dolose fuerit impetrata, atque sic effectu destituatur.) *Illud videamus, si Titius debitor voluntate creditoris sui vendiderit Mævio, vel ei, a quo Mævius emerit, & postea Mævius Titio heres extiterit, & creditor ab eo* (Mævio actione hypothecaria rem venditam) *petat, quid iuris sit, (& an hic etiam replicatio doli mali creditori indulgenda sit? Quod videtur ob rationem modo dictam.) Sed* (erunt tamen forte aliqui hic diversum sentientes. Dicent enim, in hoc casu) *iniquum est auferri ei* (Mævio) *rem a creditore, qui* (tamen Mævius non successionis iure (tunc demum, cum Titii heres factus est,) *sed alio modo* (antea) *rem nactus est. Potest tamen* (adversus hos responderi &) *dici*, (eos non conveniri hic ex persona propria, sed ut heredes Titii) *Cum* (autem) *Titii dolus in re* (ista vendita hætenus) *versaretur*, (quod creditorem consentientem deceperit spem ei faciens solutionis, & tamen postea non solvens hanc fraudulenta sua persuasione effecerit) *ne creditor a possessore pecuniam recipiat, iniquissimum esse ludificari eum* (creditorem, & contra æquissimum, ut hypotheca extincta ob hunc dolum iterum reviviscat.) *Quod si* (vero) *is fundus a Mævio* (debitoris herede facto antea) *alicui obligatus* (ab hoc secundo) *possideatur, cui nondum* (a Mæ-

(a Mævio) *satisfactum erit; tunc rursus equum erit*, (ab hoc secundo, a quo creditor ex ratione antea dicta fundum vindicare voluit) *excipi, si non voluntate creditoris venit*, (& ita creditorem exceptione remissionis tacitæ repelli.) *Licet enim dolus malus debitoris* (Titii post venditionem in Mævium nunc eius heredem) *interveniat, qui* (Titius) *non solvit pecuniam* (creditori, quam tamen promiserat forte, se pretio a Mævio acceptoolvere vellet, & hanc ob causam Mævius heres eius per modo notata actione hypothecaria tenebatur,) *tamen secundus creditor, qui pignori accepit* (fundum illum a Mævio, antequam is Titii heres fieret, ac ita, antequam creditoris actio hypothecaria revivisceret,) *potior est* (creditor Titii, eumque repellit exceptione remissionis hypothecæ, nec creditor Titii adversus hunc uti potest replicatione doli mali.) *Tuius tamen est* (pro creditore) *si creditor a debitore petat, ut ei permittat pignus vendere; quo magis* (& citius ex pretio creditori) *satisfaciatur*, antequam in venditionem consentiat) *cautionem accipere ab eo, qui rem emiturus erit, ut pretium rei* (venditæ) *usque ad summam debiti creditori solvatur*, (vel a novo emtore vel a debitore venditore, & donec hoc factum fuerit, fundus ille etiam post alienationem creditori oppignoratus maneat.)

XXI.

Porro, quod si venditio, in quam consensit creditor, effectum non habuerit, sed ab ea rursus venditor & novus emtor recessoerint, ius pignoris creditori salvum maneat a), cum omnia sic in pristinum statum restituantur, & remissio tacita pignoris præsupponat conditionem, si venditio plenum effectum habitura sit b). Et sic etiam Paulus respondit c), etsi rationem aliam parum pertinentem admisceat d).

Quod si a venditione recedatur, ius pignoris salvum manet.

a) Est.

- a) Est casus hic diversus a præcedente, de quo egimus §. 18. & 19. Ibi enim per novam emtionem debitor a suo emtore fundum sibi comparaverat, ac sic prima venditio perfecta iam fuerat, re emtori tradita, & pretio venditori soluto. Hic autem prima venditio non erat perfecta, vel, quod partes statim recederent ab emtione, antequam vel res traderetur, vel pretium solveretur, vel quod recederent, re saltem tradita, vel pretio saltem soluto. Quare errat Dion. Gothofredus *in notis ad l. 10. pr. h. t. lit. x.* rationem illam ad nostrum casum applicans, quod scilicet res vendita in debitoris potestatem redierit, eumque in finem *l. 8. §. 7. h. t.* allegans.
- b) Confer quæ diximus supra §. 15. ad *l. 4. h. t.*
- c) Paulus *l. 10. pr. h. t.* Voluntate creditoris debitor pignus vendidit, & postea placuit inter eum & emtorem, ut a venditione (nondum plene adimpleta) discederent. Ius pignorum salvum erit creditori. Nam sicut (hac discessione) debitori, ita & creditori pristinum ius restituitur. Neque omnimodo (& pure) creditor (in venditionem consentiens) pignus remittit, sed ita demum, si emtor rem (venditam aut traditam) retineat, nec (annullata emtione) reddat venditori. Et ideo (ob eandem videlicet rationem) si iudicio quoque accepto (seu actione emti ab emtore instituta ad rem tradendam) venditor absolutus (ac venditio annullata) sit, vel quia non tradebat (rem venditam, idem venditor) in id quod interest (emtore) condemnatus (sit), salvum fore pignus creditori dicendum est. Hactenus bene. Unde & hanc definitionem Pauli adversus obiectiones Autumnii recte defendit Huberus *in Euno-mia iuris ad hanc l. 8.*
- d) Addit enim statim Paulus, ut novam rationem. Hæc enim (omnia de discessione ab emtione hactenus memorata) accidere potuissent, etiamsi non voluntate creditoris vendidisset. Quæ, qualis, quanta. Quia hæc accidere potuc-

tuerunt, etiamsi non consensisset creditor, ergo dum consensit, consensus eius nullam habet efficaciam. Vellem audire, quomodo hanc consequentiam probaturus esset Paulus.

XXII.

Quid autem iam Justiniani constitutioni faciemus a), quæ Marciani b), & forte etiam Pauli c) decisiones hætenus memoratas destruere videtur, iubens, ut creditor, qui semel in venditionem consensit, non possit actione hypothecaria postea adversus debitorem uti, etiamsi hic rem venditam iterum a possessoribus acceperit? Dicemus ingenue, eam decisionem omni iuris colore destitui d), adeoque in praxi non observari e). Nec in effectu aliud dicunt dissentientes f), sed horum conciliationes Justiniani cum Marciano & Paulo repugnant regulis bonæ interpretationis g).

Contraria Justiniani sententia in l. ult. C. h. r. reiiicitur.

a) *l. ult. C. de remiss. pign.* Dicit Justinianus: *in casu alienatarum hypothecarum vel pignorum, CREDITORE SUUM CONSENSUM PRÆBENTE, & POSTEA legitimo modo ad priorem dominum REVERTENTIUM, diversas sententias lictorum fuisse, quibusdam dicentibus, ius pignoris creditore renovari PROPTER VERBUM FUTURARUM RERUM, in generalibus hypothecis poni solitum; aliis contra statuentibus ius pignoris penitus extinguui. Ipsi itaque visum est, eum qui semel consensit alienationi hypothecæ & HOC MODO ius suum RESPUIT, indignum esse, eandem rem, UT POTEST ab initio ei suppositam, vindicare, vel tenentem inquietare.*

b) *In l. 8. §. 7 seq. h. s.* quam exposuimus §. 20. Et communiter interpretes, ut Glossa, Gothofredus, Merillius, alii *ad d. l. ult. C. de remiss. pign.* notant, textum illum Marciani ob stare dictæ decisioni Justiniani. Extenim Marcianus non lo-

E

qua-

quatur de hypotheca generali, ut Imperator, sed diserte fundi specialiter obligati mentionem faciat, ista tamen distinctio diffensionem minime tollet. Nam uti recte de Marciano notat Emundus Merillius in 50. *Decis. Justin. c. ult. p. 479. Quod si id de fundo specialiter obligato admittatur* (Marcianus, reviviscere ius pignoris, si fundus in potestatem debitoris rediisset) *multo magis ubi obligatio rerum presentium & futurarum constituta esset* (id admisisset Marcianus) Ita ex opposito de Justiniano dicere possumus; si in formula hypothecæ generalis expressè bona futura etiam memorante, tamen pignus semel remissum non reviviscere voluit Iustinianus, sua sponte sequitur, quod etiam id nolit reviviscere in casu remissi fundi specialiter obligati, ubi minor est dubitandi ratio.

- c) In *d. l. 10. pr. h. t.* memorata §. *preced.* Et eam abrogare voluisse Iustinianum sunt nonnulli qui asserant, alii vero ut utrumque textum concilient, parum aptis distinctionibus, sudant. Vide Huberum in *Eunom. Rom. ad d. l. 10. pr. Wissenb. Exercit. ad π. Part. I. Exercit. 40. thes. ult. & quos ibi citat. Anton. Perez ad cod. de remiss. pign. num. 5. seq.* Mihi plane non videtur subesse dissensus, cum Paulus loquatur de rescissa venditione nondum perfecte adimplera, per notata *ad thes. preced. lit. a.* Iustinianus in verbis: **POSTEA REVERTENTIUM** de nova emptione vel aliis similibus casibus: Paulus loquitur de casu, ubi remissionis tacitæ conditio nondum extitit. Iustinianus de casu, ubi remissio tacita iam habuit effectum suum, & ubi de reviviscencia agitur. Conf. Brunnemannus *ad l. ult. C. h. t. num. 3. & 4.* Hoc modo vero opus non habemus uti conciliatione Perezii, etiam si eam approbet Huber. *d. l. ac* si Paulus loquatur de remissione tacita ex solo consensu in venditionem illata, Iustinianus vero de adiecta consensui a renunciatione expressa, quem in finem urget potissimum verbum **RESPUIT**, quod non nisi de expressa remissione

missione intelligi possit. Sed plane inerudita est hæc conciliatio, ut mollissime loquar. Nam falsum est initio, quod Paulus, etsi loquatur de remissione tacita, in casu proposito diversum definiturus fuisset, etsi creditor expresse iuri suo renunciasset, cum ratio eius a dolo debitoris desumpta quadret ad utrumque casum. Deinde falsum est, quod Iustinianus loquatur de renunciatione hypothecæ expressa. Nam in verbis initialibus statum controversiæ saltem format *de creditore suum consensum contractui præbente*, uti ICti in Pandectis. Deinde in verbis finalibus, ubi iterum mentionem facit eius, *qui semel consensit*, addit, atque *HOC MODO* (id est per illum ipsum consensum sine adiuncta expressa remissione) *ius suum respuit*, quæ verba adeo respuunt illam conciliationem Perezii. Denique falsum est, & principium petit assertio Perezii: *respuere* dici saltem de remissione expressâ, Obstat locus ex Livio a Fabro adductus in *Lexico. Munera eius in animis hominum respuabantur*. Et quid si etiam verbum id a ICtis ante Iustinianum ita usurpatum fuisset? In legibus Codicis, in primis ICtorum Christianorum, & omnium maxime in legibus Iustiniani, quis proprietatem verborum quæreret.

- d) Nullum enim iuris colorem Iustinianus saltem attulit, nec afferre potuit. Quod si aliquis color iuris in verbis dictæ legis latere deberet, lateret in ultimis verbis *indignum & utpote*, sed talis, ut me pudeat, eum oculis tyronum exponere. Indignus est, inquit, creditor consentiens in venditionem, ut ius pignoris recipiat; Bona verba quæso: Quo pacto indignitatem hanc contraxit creditor in creditorem ita benevolus? Respondet Iustinianus, quia rem semel habuit & dimisit. Ergo beneficii præstatio indignos secundum Iustinianum facit homines, ut iis adversus debitores dolosos iterum succurratur, & favorabilior apud Iustinianum erit causa dece-

ptorum? Quis vel ex hac lege (quæ una, & secundum Merillii computationem ultima est ex quinquaginta decisionibus Iustiniani) Imperatoris nostri genium tanquam ex ungue leonem non agnoscat. Nescio vero, quid voluerit Huberus in Eunom. *ad d. l. 10. pr. ff. h. t.* ubi dicit, sententiam veterum Ictorum, quod sub bonis futuris comprehendatur etiam fundus ille de novo a debitore acquisitus, esse *dialectice veram*, sed decisionem Iustiniani contrariam desumptam esse ab *æquitate civili*: nisi forte sub voce *æquitate civilis* intelligat æquitatem, æquitati naturali & regulis interpretationis rationalis oppositam, id est, mere cerebrinam. *Conf. lit. g. n. i.*

e) Quod cum pace admiratorum Iustiniani dictum sit, sentio hic cum Groenewegenio *de LL. abrogatis ad d. l. ultim.* ita pronunciantem. *Hanc legem a iuris ratione & a morum nostrorum simplicitate alienam abrogandam censeo cum Autumno.* Sed in eo tamen a Groenewegenio ab eo, quod putem, eam legem ut plane & palpabiliter irrationalem, & a moribus omnium gentium alienam a Germanis nunquam esse receptam, ideoque abrogatione non habere opus.

f) Eo ipso dum laborant, ut Iustinianum quocunque modo cum Marciano concilient, ne videatur æquissimam Marciani decisionem contra rationem impugnasse. Nam ita agnoscunt sane, Marciani decisionem æquam esse & rationalem, contra Iustiniani, si contradixisset, irrationalem. Huc etiam pertinet, quod Glossa notat *ad d. l. ult. C. Ista lex est singularis & non est alibi.* Item Multi hunc casum singularem ignorantes contrarium responderent. &c.

g) De inepta conciliatione cum Paulo iam diximus *supra lit. c.* Quod attinet conciliationes cum Marciano, videamus, quas asserat Glossa *d. l. (1) Hic de stricto iure, ibi* (apud Marcianum) *de æquitate.* Quod idem est, ac si Glossa dixisset, Marciani decisionem esse æquam & rationalem.

Iusti-

Iustiniani contra iniquam. Ut taceam, iam ab aliis Ictis passim, illum modum conciliandi Glossatorum, per distinctionem inter ius strictum & æquitatem, fuisse in genere reiectum. (2) *Vel non est contra, quia tam hic quam ibi dicit, debitori dari exceptionem* (remissi pignoris.) Hæc conciliatio ideo inepta, quia Marcianus dum dicit, debitori dari hanc exceptionem, id refert, ut rationem dubitandi. Sed Iustinianus hac assertionem utitur tanquam ratione decidendi. Sensit hoc sequens conciliatio. Unde pergit Glossa. (3) *Sed ibi dicit (Marcianus) plus, scilicet dari creditori replicationem (doli mali) quod hic (Iustinianus) non negat.* Verum hoc posterius aperte falsum est, dum Iustinianus dicit, indignum esse creditorem; ut hac replicatione utatur. (4) *Vel ibi dubitabatur de consensu creditoris; hic certum erat.* Hic prius falsum, quia Marcianus d. l. 8. §. 7. non dicit: *dubium* esse consensum creditoris, sed *supervacuum*, id est inutile esse, ut de consensu controversia moveatur. (5) *Hic certum erit, debitorem vendidisse & postea emisse. Ibi vero non; imo præsumatur non vendidisse, quia possidebat.* Hic posterior assertio iterum falsa, ob verba expressa d. l. 8. §. 7. *vers. nisi quod potest fieri &c.*

XXIII.

Sed quid iuris, si creditor non expressè consensit De reliquis venditioni, verum scivit solum aut etiam subscripsit forte ut testis &c. Hic novus se aperit campus differendi & leges Romanas explicandi, ac tradita Doctorum examinandi a). Cum autem tempore destituar, quo minus ista expedire queam, huius questionis evolutionem, ut & inspectionem, quid leges & doctores de consensu creditoris in novam oppignorationem

questionibus
huc pertinentibus remissive.

rationem b), & de acceptione fideiussoris c) statuant; alterius diligentiae relinquo.

- a) Sedes materiae est in l. 8. §. 15. ff. b. t. vide interim Wissenb. d. disp. 40. §. 31. B. Strykium in us. Modern. ad illum tit. §. 1. & 2.
- b) Sedes est in l. 12. pr. quibus modis pignus & l. 5. §. 4. qui pot. in pignore. Vide interim Wissenb. d. ib. 31. B. Strykium us. mod. §. 4. Dn. Beier. ad d. tit. ff. quibus modis pign. in fine. Annæum Robertum rer. indic. l. 4. c. 14.
- c) Sedes est in l. 5. §. 2. l. 6. §. 2. l. penult. d. t. Vide interim Brunnem. ad d. l. 5. Richterum de iure & privil. Credit. cap. 4. Sect. 1. n. 136. & quos hi citant.

FINIS.

